



Ilitsersuutit 22. april 2020-imeersut, Suliffeqartunut tunngatillugu ikiorsiissutinik qinnuteqaatinut atugassarititaasut ersarinnerusut, ikiorsiissutinik tunniussisarnernut aamma allaffissornikkut suliffeqartunut ikiorsiissutinik sullissinermut atatillugu

Kontumut pingaarnermut 64.40.08 Suliffeqarnermi ikiorsiissutit coronavirus tunngavigalugu (COVID-19) aalajangersarneqarput piumasaqaataasut ersarinnerusut qinnuteqarnermut, ikiorsiissutinik tunniussisarnermut aamma suliffeqartunut ikiorsiissutinik allaffissornikkut aqutsinermut tunngaviusussat.

22-04-2020

Postboks 1601
3900 Nuuk

Tlf. (+299) 34 50 00

E-mail: isiin@nanoq.gl

www.naalakkersuisut.gl

Akissarsianut aningaasartuutitut taarsiissutinik aaqqissuussinerugallartoq sulinermik inuussutissarsiutilinnut namminersortut suliffiutaanni suliffeqartunut tunngatillugu aqunneqarpoq kontumi pingaarnermi 64.40.08 Suliffeqarnermi akissarsianut taarsiissuteqartitsinermik ikiorsiissutit oqaasertaliussakkut coronavirus-ip (COVID-19) kingunerisaanik, 2020-imi ilassutitut aningaasaliissutissanut siunnersuummi.

Siuliani pineqartoq oqaasertaliussaq naapertorlugu Naalakkersuisut pisinnaatinneqarput suliffeqarnermi illuatungeriinnik isumasuereernikkut qinnuteqaateqartarnernut, aningaasaliissuteqartarnermut aamma suliffeqartunut ikiorsiissutinik allaffissornikkut aqutsinermi tunngaviusussanik suliffeqartut akissarsiaannut atatillugu, tamatumani aamma inuussutissarsiutit suut piffissami atuuttumi aaqqissuussinerni ilaanersut pillugit.

Allakkiaq manna aalajangersaavoq atugassarititaasunik akissarsianut aningaasartuutitut taarsiissuteqarallarnernut, namminersortut suliffiutaanni sulisuusunut tunngatillugu.

1. Ataatsimut atugassarititaasut

- A. Qinnuteqartut sulisuminnik aningaasaqarniarnermik peqquteqartumik soraarsitsisimasut, mattunneqanngillat kingusinnerusukkat akissarsianut aningaasartuutitut taarsiissutinik qinnuteqarsinnaanermut, sulisut ilaannik angerlartitsigallarnermut tunngatillugu. Akissarsianut aningaasartuutitut taarsiissuteqartitsineq taamaattuni aatsaat atortuulersinnaavoq ullormit siullermiit ullup soraarsitsiviusimasup kingornagut. Akissarsianut aningaasartuutitut taarsiissuteqartitsisoqarsinnaanngilaq sulisunut soraarsinneqareersimasunut tunngatillugu, taakkua

soraarsinneqareersimasut soraarnissami tungaanut piffissami siumoortumik nalunaarfiusimasumi suliinnaraluarpataluunniit.

- B. Aningaasartuutitut taarsiissutissat naatsorsorneqartassapput nalinginnaasunik ullut 14-ikkaarlugit aamma qaammammoortunik akissarsiaqartitsiviusut piffissat tunngavigalugit taakkunungalu atatillugu.
- C. Ilanngullutik atugassarititaasut Sullissivik-mi nalunaarneqartut atuupput, assersuutigalugu link-i una Kommuneqarfik Sermersooq atuuttoq:
https://www.sullissivik.gl/Emner/Erhverv/Ansogning_om_midlert_idig_lonkompensation_for_lonmodtagere?sc_lang=kl-GL&mupid=Sermersooq

Assigisaanik kommunit sinnerinut atugassarititaasoqarpoq.

2. Pisinnaatinneqartut qinnuteqarsinnaasut tassaapput

- A. Suliffeqarfiit nalunaarsorneqarsimasussaasut Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaanni nr. 33, 28. november 2016-imeersumi aalajangersakkat naapertorlugit. CVR normut immikkut tamarmik qinnuteqartutut ataatsitut isigineqartassapput, apeqqutaatinnagu immikkoortut ataniittut P-it qassiuneri. Immikkoortut P-it immikkut qinnuteqarsinnaanngillat. Siulianiittut apeqqutaatinnagit suliffeqarfiit P-nik allequtaqartut illoqarfinni arlaqartuni agguarsimasuni aamma /imaluunniit najukkani assigiinngitsuniittuni, immikkullu P-nik allequtaqartut pinngitsaalineqarlutik matuneqarsimasut, pinngitsaalineqarlutik matuneqarsimasunut tunngatillugu immikkoortukkaarlugit akissarsianut taartsisiassanik qinnuteqaanneqarsinnaapput.
- B. Immikkoortoq 1.A pisortaqarfiit apeqqutaatinnagit, suliffeqarfiit imminnut ingerlattut, aamma ingerlatseqatigiiffiit tamakkiisumik ilaannakuusumilluunniit pisortanit pigineqartut qinnuteqarsinnaanngillat.
- C. Immikkoortoq 1.A peqatigiiffiit apeqqutaatinnagit, aningaasaateqarfiit fond-it aamma ingerlatsiviit imminnut pigisut taamaallaat qinnuteqarsinnaatitaapput pisortanit tapiissutisarisartagaat nalinginnaasumik ingerlatsinermi aningaasartuutaasut affaanit ikinnerusunik tapiissutisisarunik.

3. Taarsiissutissat killiligaapput akissarsianut aningaasartuutitut, sulisunut makkununga tunngatillugu

A. Sulisut suliffeqarfimmut aalajangersimasumik attaveqartut. Aalajangersimasumik attaveqartuuneq isumaqarpoq sulisuunermut isumaqatigiissuteqartoqassasoq sulisup aamma suliffeqarfiup akornanni, suliffeqarfik akissarsianut aningaasartuutitut taartsisiaqarsinnaassappat. Isumaqatigiissuteqartoqarsimassaaq ulloq 19. marts 2020 sioqqullugu.

Aalajangersimasumik sulisuunngitsut aaqqissuussinermi ilaannngillat suliffeqarfimmut aalajangersimasumik atasuunnginnamik. Aalajangersimasumik sulisuunngitsut nalinginnaasumik sivikitsuaqqamik sulisussatut tiguneqartarput, suliassat naammassigaangata soraartarlutik, sulisuusorlu aqagumut suliarortussatut isumaqatigiissuteqarfigneqanngippat.

Atorfeqarneq ullut marluk sinnerlugit sivilissuseqarsimassalluni. Atorfeqarneq aalajangersimasumik Kalaallit Nunaanni suliffeqarluni pissaaq, sulisuusorlu Kalaallit Nunaanni inuit allattorsimaffianni nalunaarsorsimassalluni.

B. Suliffeqarfimmik piginnittoq aamma piginneqataasoq, tamatumani aamma aktiaatinik amerlanernik piginnittut sulisuusutut isigineqassanngillat, taamaattumillu taakkununga taartsisiaqartoqarsinnaanngilaq. Tamannali umiatsiaararsortunut atuutinngilaq, immikkut taakkununga malitassat naapertorlugit.

C. Akissarsianut aningaasartuutitut taartsisiassat tunniunneqartarput sulisumik angerlartitsigallarnermut atatillugu, sulisup ingerlaqqittumik piffissamut suliffiusussamut akissarsiaqarfisaaani. Akissarsianut taartsisiassat akilerneqartarput taamaallaat akissarsiat ilaannut matussutissatut, piffissami angerlartitsiviusumi.

D. Umiatsiaararsortut sulisuusutut isigineqassapput. Umiatsiaararsortunut tunngatillugu immikkut uppersaasarsuinnissat piunarsaqaataapput. Takuuk ilitersuut.

4. Taarsiissutisiaqarsinnaatitaaneq atuutissaaq piunarsaqaatit makku naammassineqarsimappata:

A. Angerlartitsinermi pineqassapput minnerpaamik qinnuteqartup sulisuisa 30 %-ii piffissami akissarsianut aningaasartuutitnik taarsiissutisiaqartitsiviusussami, imaluunniit minnerpaamik

sulisut 25-it. Suliffeqarfiup sulisut amerlassusaannik naatsorsuinermini ukiumut ilivitsumut aalajangersimasumik sulisorisat amerlassusaat aallaavigalugit naatsorsuisassaaq. Aaqqissuussineq atuutinngilaq ilaannikkuinnaq sulisinneqartartunut (løsarbejdere).

- B. Angerlartitsinermini tamakkiisumik akissarsiaqartitsisoqassaaq.
- C. Angerlartitsineq toqqaannartumik COVID-19-imut tunngasunik pissutsinik aallaaveqassaaq.
- D. Sulisuusooq suliassanik qinnuteqartumit suliaqartinneqartassanngilaq piffissami angerlartitsiviusimasumi, - imaluunniit suliassanik allanik nutaanik (imaluunniit pioreersut ilaqqillugit) akissarsiaqarluni sulisitsisumi allami sulissanngilaq.

Sulisuusoq umiatsiaararsortuuppat, angerlartitsinertut pissutsit aatsaat isiginnittoqarsinnaapput piffissami pineqartumi sulinnginneq Coronavirus-imik pissuteqarpat. Uppernarsaasissavat ilumut piviusumik “angerlartitaasimallutit”, tassa imaappoo aalisarsinnaanngivillutit imaluunniit tunisisinnaanngivillutit Coronavirus (COVID-19) pissutigalugu. Angerlartitaaneq mattussaagallarnermik (karantæne) tunngaveqartoq uppernarsaasernerqassaaq peqqinnissaqarfimmiit oqaaseqaammik.

Taarsiissuteqartinneqassaatit “akissarsiavit” 90 % -iinik (annerpaamik 20.190,- kr.-inik) qaammatit kingulliit 3-it tunngavigalugit naatsorsugaasunik, piunasaqaatitaqarporlu ulluni tallimani sulinngiffeqarnissat allatulluunniit sulinnginnissat, ullut 30-ikkaat tamaasa.

- E. Piffissaq angerlartitsiviusooq sulisorisanut assigiinngitsunut assigiinngitsunik sivilissuseqartarsinnaapput. Akissarsianut aningaasartuutitut taarsiissutissat assersuutigalugu sulisorisanut 30-inut, mattussinngilaq immaqa suli amerlanerusunut sulisorisanut aamma angerlartitsinikkut taarsiissuteqarsinnaanermik. Taamaattoq piffissami sumiluunniit immikkoortoq 3.A naammassineqarsimassaaq.

5. Akissarsianut aningaasartuutit:

- A. aningaasartuutigineqareersimassapput taarsiissutissap pissarsinissap nalaani. Tamanna isumaqarpoq piffissanut akissarsiaqartitsiviusunut tamanut nassiussisoqartassasoq akissarsiat allagartaannik piffissamut suliffeqarfiup taarsiissuteqarfiginiakkaminut tunngatillugu.

B. piffissamut 19. marts 2020-imiit – 30. juni 2020-imut ullut pineqartut ilanngullugit pineqarput.

C. naatsorsorneqassapput aningaasanngorlugit akileraarnernut allagartami procenti ilanngaatineqartussaq sioqqullugu.

Umiatsiaararsortunut akissarsianut aningaasartuutininik naatsorsuisarneq pillugu: takuuk immikkoortoq 6.

6. Apequtaatinagu immikkoortoq 5, umiatsiaararsornermiit isertitanut tunngatillugu umiatsiaararsortunut makku atuupput:

A. Akissarsianut qaammammumut ilivitsumut aningaasartuutit (ullut 30-it) naatsorsorneqassaaq ullorsiutit ukiuanni qaammatin pingasuni agguaqatigiissillugit tunisat nalingisut, piffissaq taarsiissuteqarfiusussaq qinnutigineqartoq sioqqullugu pisumi.

B. Taarsiissutissat pineqartut aalajangersimasut naatsorsorneqassapput piffissamut angerlartitsiviusumut naapertuuttumik aammalu qaammammi pineqartumi (ulluni 30-ini) gangerlugu akissarsianut aningaasartuusaasoq immikkoortumi 6.A-miittoq = (ullut angerlatitsiviusut agguarlugit ullunik 30-inik) gangerlugulu akissarsianut aningaasartuutininik immikkoortup 6.A-p ataaniittumik.

7. Pinngitsoorani sulinngiffeqarnissaq / akunnernik afspaseriinissaq

A. Sulisuusoq ulluni 5-ini sulinngiffeqarfissaminik / akunnernik afspaseriigassaminik atuisaaq, ullut 30-ikkaartut tamaasa, akissarsianut aningaasartuutininik taarsiissutissaqarfiusumi. Piffissaq akissarsianut taarsiissutissaqartitsiviusoq ullunit 14-init sivikinneruppat piffissaq sulinngiffeqarfiusussaq naatsorsorneqassaaq ullunut 2,5 -inut sulinngiffeqarfiusutut / afspaseriiffiusutut, piffissamut akissarsianut aningaasartuutininut taarsiissutissaqartitsiviusunut, ullut 14-it sinnerlugit sivilissusilinnut aammalu ullut 30-it angullugit sivilissusilinnut.

B. Sulisuusunut akissarsiaqarluni sulinngiffeqarnissamik katersisimannigitsunut, taarsiissutitut akiliutigineqartussat annikillineqartassapput 2,5/30 imaluunniit 5/30-imik.

8. Taarsiissutissat imatut naatsorsorneqartassapput:

- A. Akissarsianut aningaasartuutit 90 % -ii, taamaattoq qaffasinnerpaamik 20.190 kr.-it, ullut 30-ikkaarlugit akissarsianut aningaasartuutininut taarsiissuteqarfiusumut sulisukkaartumik.
- B. Piffissaq akissarsianut aningaasartuutininut taarsiissuteqarfiusoq ullunit 30-init sivikinneruppat, taarsiissutissat naatsorsorneqartassapput naapertuuttumik piffissamut, ullunut ilivitsunut qaffataasunik.
- C. Pisortaniit allatigut tapiissutaasinnaasut ilanngaatilugit qinnuteqartumut akissarsianut aningaasartuutininut tassani pineqartunut.

9. Taarsiissutit aamma nakkutilliineq

- A. Makkuninnga pisoqartillugu taarsiissutit utertillugit akileqquneqarsinnaapput:
 - Aningaasarsianik taarsiissuteqarfiup nalaani aningaasaqarnermik pissuteqarluni qinnuteqartoq sulisunik soraarsitaqarpat.
 - Aningaasarsianik taarsiissuteqarfiup nalaani qinnuteqartoq sulisuni sulilerseqqippagu.
 - Aningaasarsianik taarsiissuteqarneq pillugu qinnuteqaammut qinnuteqartoq paasissutissanik eqqunngitsunik tunisippat.
 - Pisinnaaffiginngisaminik aamma qulaani pineqartutut piunnaasaqatit akimorlugit qinnuteqartoq aningaasarsianik taarsiissutinik pissarisimappat.
- B. Aaqqiissummi tapiissutit akiliutiginissaannut piunnaasaqatit suliffeqarfik piunnaaffiqarnermini aningaasat akiliutaasut kingornatigut nakkutiginissaat siunertaralugu Naalackersuisunut paasissutissanik tunniussissaaq. Tapiissutit eqqortumik tunngaveqartumik pissarsiarineqarsimaneri pillugit kukkunersuisartup nalunaarutaa pillugu Naalackersuisut piunnaasaqateqarsinnaapput.
- C. Suliffeqarfik paasissutissanik eqqunngitsunik tunniussaqaarsimappat, allatulluunniit suliamik isumaginninnermik salloqittaaniarsimappat Kalaallit Nunaanni Pinerluttulerinnermut Inatsit, inatsit nr. 306, 30. aprili 2008-meersoq malillugu pineqaatissiissutinik aallartisaanissaq siunertaralugu Naalackersuisut Politiinut nalunaarummik tunniussissapput.

10. Akilineq

- A. Taarsiissutissat naatsorsorneqarneranni uninngatinneqassapput a-conto-mik akiliutaasussat 30 procentii A-skat-imik akiliutissanut aammalu sulisoqarnermut akitsuummumut ullorsiutit qaammataanni matussutissatut. Innersuunneqassaaq immikkut isumaqatigiissutaasoq konteeriinissamut tunngatillugu ilitsersuut.

11. Uppernarsaatit

- A. Suliffeqarfiup pisussaaffigaa nassiutissallugit uppernarsaatissat pisariaqartut, tamatumanilu aamma Ilumoortumik tatsiginartumillu paasissutissanik tunniussaqaarsimaneq pillugu uppernarsaat.